



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

Exaltatio S. Crvcis. 14. Septembris.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

puero à Deo vita, reditum tandem per-  
suaserunt. Nempe primò omnium ad  
tumulum est itum, ubi unà Divus à  
precibus & puer à morte surrexit infu-  
læ etiam hæres MAVRILII, cujus  
ultima moribundi ad astantes illa vox  
perhibetur, cogitarent, quas gererent a-  
nimas, pretioso aha nimum lytro, Christi  
sanguine emptas esse. O juventus Par-  
thenia, etiam tu animo hæc volve-  
res! Tantillo animas non venderes.  
*Ex Suario.*

EXALTATIO S. CRVCIS.

14. Septembris.

SI minùs bellare feliciter, certè præ-  
sari novit COSRHOAS, qui  
cùm captam toties Hierosolymam ipse  
etiam cepisset, prædam nimum quan-  
tum magnam Crucem Servatoris in  
Perfidem asportavit. Doluit Christia-  
nus Imp. Heraclius spolia hæc Chri-  
stianis detracta esse, & cælo auctore  
armis commune omnibus Christianis  
dedecus aggressus abolere, ternas co-  
pias COSRHOÆ totidemque Du-  
ces felici Marte devicit, fortissimè  
Christianis utpote pro signis suis di-  
micantibus. COSRHOAS dum fugâ  
Tigrim trajicit, socium regni filium  
minorem Mardesam sibi adsciscit. Id  
maximus natu Syroes impatienter fe-  
rens gemino parricidio & fratrem &  
paren-

parentem sustulit, pactusque regnum cum Heraclio pro cruce est stultissimus mercator. Hanc porro Heraclius cum imperatorio habitu fulgens eò ferre vellet, quò primò Servator tulerat, nec tamen, occultâ vi gradum morante, progredi jam posset, monuit Præsul Zacharias fastum poneret & aurum nimis animo onerosum; nescire crucem purpuram, nisi quæ de Christi sanguine ruberet, sed neque coronam nosse, quàm spinæ non ornarent. Aliter ergo triumphandum sibi esse intelligens Heraclius, nudus pedes & plebejam togam indutus facile jam pedem promovit, & sublimem crucem loco suo & honori restituit. Hæc EXALTATÆ CRVCIS festa initia ajunt. Nego ego, & cum bonâ pace Heraclii, ea Christo primitus adscribo. *Ex Brev. & Baron.*

## S. AICHARDVS ABBAS.

15. Septembris.

Ingens duellum matrem inter & patrem felicissime AICHARDVS sustulit. Dum enim hic militiæ, illa Deo devotum vellet filium, hic pulchra litis arbiter, ut ex æquo rem componeret, utrumque præstitit, & ad militiam abiit, sed religiosam & DEO sacram. In hæc cum egregiè diu adversus Orcum depugnasset, & in fundo paterno victrici VIRGINI ædem, hoc